


**Հ Ա Ն Գ Ի Ս Տ**  
**ՀՈԳԵՇԵՆՈՐՀ Տ. ԵՂԻԶԵ ԾԱՅՐԱԳՈՒՅՆ ՎԱՐԴԱՊԵՏ**  
**ՈՒԹՈՒՋՑԱՆԻ**  
 (1889—1958)



Հուլիսի 30-ին, շրեքշաբթի օր, Վիեննայում վախճանվեց Ավստրիայի և Գերմանիայի հայոց հոգևոր հովիվ Հոգեշնորհ Տ. Եղիշե ծայրագույն վարդապետ Ութուճյանը:

Հանգուցյալը ծնվել էր Կոստանդնուպոլսում 1889 թվականին և իր նախնական կրթությունն ստացել էր Սկյուտարի ներսես Երմոնյանի անվան դպրոցում, ապա

շրջանավարտ էր եղել Գառգյուղի Արամյան վարժարանից:

Հոգեշնորհ Տ. Եղիշե ծայրագույն վարդապետը երկար տարիներ ուսուցչական արդյունավետ դործունեություն է ունեցել Կոստանդնուպոլսի հայկական դպրոցներում, մինչև 1928 թվականը, երբ Նիկոմիդիայի և ապա Բուդաբեշտի ծերունազարդ և պատկառելի առաջնորդ հանգուցյալ Ստեփանոս արքեպիսկոպոս Հովակիմյանից ձեռնադրվում է քահանա Սոֆիայի հայոց Մայր Եկեղեցում, մայիսի 20-ին:

1929 թվականին նշանակվում է Վիեննայի հայոց հոգևոր հովիվ և ձեռնհասորեն վարում է իր պաշտոնը:

1944 թվականին կորցնում է իր երեց-կնոջը: Հինգ տարի հետո, 1949 թվականին, ստանում է վեղար և մասնավոր վարդապետական իշխանություն՝ Արտավազդ արքեպիսկոպոս Սյուրմեյանից:

Իր եկեղեցանվեր և արդյունավետ պաշտոնավարության համար 1951 թվականի հոկտեմբերին ստանում է ծայրագույն վարդապետի աստիճան գերաշնորհ Տ. Խաղարքեպիսկոպոս Աջապահյանի ձեռքից, Փարիզի հայոց Ս. Հովհաննես Մկրտիչ եկեղեցում:

Հանգուցյալը լանջախաշ էր ստացել հոգելույս Տ. Խորեն Կաթողիկոսից: Նա մի ժամանակ վարել է նաև Բուդապեշտի հայոց հոգևոր հովիվությունը:

Հանգուցյալը բարի, պաշտոնասեր և իր Ազգին ու Եկեղեցուն նվիրված հոգևորական էր:

Հանգիստ նրա ոսկորներին և խաղաղություն հոգուն:

«Յիշատակն արդարոց օրհնութեամբ եղիցի»:

